


欽定四庫全書

子部

外臺秘要方卷八





詳校官太醫院恩糧臣孔毓秀

編修臣倉聖脈覆勘

欽定四庫全書

外臺秘要方卷八

痰飲論二首

唐 王燾 撰

病源痰飲者由氣脉閉塞津液不通水飲氣停在胸膈
 結而成痰又其人素盛今瘦小走腸間漉漉有聲謂之
 痰飲其為病也胃脅脹滿水飲不消結在腹內兩肋水
 入腸胃動作有聲身骨重多唾短氣好眠胃背痛甚則

上氣欬逆倚息短氣不得卧其形如腫是也脉偏弦為
 飲浮而滑為飲其湯熨針石別有正方補養宣導今附
 於後養生方導引法云左右側卧不息十二通療痰飲
 不消右有飲病右側卧左有飲病左側卧又有不消氣
 排之左右各十二息療痰飲

出第二
十卷中

千金痰飲論問曰夫飲有四何謂師曰有痰飲

一云有
留飲

懸飲有溢飲有支飲問曰四飲之證何以為異師曰其
 人素盛今瘦水走腸間漉漉有聲謂之痰飲飲後水留

在脅下欬唾引痛謂之懸飲飲水過多歸於四肢當汗
出而不汗出身體疼重謂之溢飲其人欬逆倚息短氣
不得卧其形如腫謂之支飲凡心下有水者築築而悸
短氣而恐其人眩而癩先寒即為虛先熱即為實故水
在於心其人心下堅築築短氣惡水而不欲飲水在於
肺其人吐涎沫欲飲水水在於脾其人少氣身體盡重
水在於肝脅下支滿噎而痛水在於腎心下悸夫病人
卒飲水多必暴喘滿凡食少飲多水停心下甚者則悸

微者短氣脉雙弦者寒也皆大下後喜虛耳脉偏弦者
飲也肺飲不弦但喜喘短氣支飲亦喘而不能眠加短
氣其脉平也留飲形不發作無熱脉微煩滿不能飲食
脉沉滑者留飲病病有留飲者脅下痛引缺盤欬嗽轉
甚一云其人欬而不得卧引項上痛欬者如小兒掣癈
狀夫胃中有留飲其人短氣而渴四肢歷節痛心下有
留飲其人背寒冷大如手病人胃息上引此皆有溢飲
在胃中久者缺盤滿馬刀腫有劇時此為氣飲所致也

膈上之病滿喘欬吐發則寒熱背痛惡寒目泣出其人
振振身暈劇必有伏飲病人一臂不隨時復轉移在一
臂其脉沉細此非風也必有飲在上焦其脉虛者為微
勞榮衛氣不周故也

出第十八卷中通按形
不發作謂表無病狀也

痰飲食不消及嘔逆不下食方九首

病源夫痰水結聚在於胃腑膀胱之間久而不散流行
於脾胃脾胃惡濕得水則脹脹則不能消食也或令腹
裏虛滿或水穀不消化或時嘔逆皆其候也

出第二
十卷中

廣濟療心頭痰積宿水嘔逆不下食前胡丸方

前胡

白朮

甘草

炙各五分

旋復花

豆蔻仁

各三分

人參

麥門冬

去心各六分

枳實炙

大黃

各四分

右九味搗節蜜和為丸如梧子大空肚以酒下二十

丸漸加至三十九日再服不利忌桃李雀肉海藻菘

菜熱麪炙肉魚蒜粘食生冷等物

又療心胷中痰積氣噎嘔逆食不下方

柴胡

橘皮 各六分

茯苓 十分

人參

麥門冬 去心

雞蘇 各八分

檳榔 四分末湯成下

生薑 二十分

右八味切以水八升煮取二升五合絞去滓分溫三

服服別相去如人行七八里進一服未差三日更服

一劑以利為度忌酢物生冷油膩粘食 並出一卷中

千金療痰飲飲食不消乾嘔湯方

澤瀉

杏仁 去皮尖

枳實 炙

白朮 各三兩

茯苓

柴胡

生薑

芍藥 各四兩

旋復花

人參

橘皮

細辛各二兩

半夏四兩洗

右十三味切以水九升煮取二升七合分為三服忌

桃李雀肉大酢生菜羊肉飴等物

又療胃中痰飲腹中水鳴食不消嘔吐水湯方

大腹櫛榔四十枚

生薑八兩

半夏半升洗

杏仁四兩去皮尖去橘皮三兩

茯苓五兩

白朮四兩切

右七味切以水一斗煮取三升去滓分三服忌羊肉

錫大酢桃李雀肉等

古今錄驗同並
出第十八卷中

范汪薑椒湯主胃中積聚痰飲飲食減少胃氣不足欬

逆吐覘方

半夏

三兩
洗

生薑

七合
汁

桂心

附子

炮

甘草

炙

茯苓

桔梗

各一
兩

蜀椒

二合
汗

橘皮

二兩
切

右九味切以水七升煮取二升半去滓內薑汁煎取

四升半分三服服三劑佳若欲服大散并諸五石丸

必先服此方及進黃芪丸輩必佳忌海藻松菜羊肉

飭生葱猪肉冷水酢物千金翼深師同

又白朮茯苓湯主胃中結痰飲澀結臍下弦滿嘔逆不

得食亦主風水方

白朮 五兩
茯苓 三兩
橘皮
當歸

附子 炮各二兩
生薑
半夏 各四兩
桂 四兩

細辛 四兩一作人參

右九味切以水一斗煮取三升分三服服三劑良忌

羊肉錫桃李雀肉猪肉冷水生葱生菜醋物等

千金翼同

又旋復花湯主胃膈痰結唾如膠不下食者方

烏頭

五枚去皮熬

旋復花

細辛

前胡

甘草

炙

茯苓

各二兩

半夏

一兩洗

生薑

八兩

桂心

四兩

右九味切以水九升煮取三升分為三服忌羊肉錫

海藻菘菜生葱酢物猪肉冷水等

並出第十卷中

延年茯苓飲主心胃中有停痰宿水自吐水出後心胃

間虛氣滿不能食消痰氣令能食方

茯苓 三兩

人參 二兩

白朮 三兩

生薑 四兩

枳實 二兩

炙

橘皮 一兩

半切

右六味切以水六升煮取一升八合去滓分溫三服如

人行八九里進之忌酢物桃李雀肉等

仲景傷寒論同
出第十七卷中

古今錄驗療胃膈痰飲食噉經日則併吐出食皆不消

出如初空腹一兩日聚食還復吐之極不便此由痰飲

聚下絕不通服此丸宣通下氣方

吳茱萸

澤瀉

芍藥

白朮

漢防已

赤茯苓

各二兩

蜀大黃

二兩

右七味搗篩蜜和為丸如梧子大飲服二十五丸忌

桃李雀肉酢物

出第十卷中

懸飲方二首

病源懸飲謂飲水過多留在脅下令脅間懸痛欬唾引

脅痛故云懸飲

出第二十二卷中

范汪大甘遂丸療久癖留水癖飲方

芫花熬

甘遂

葶藶子熬

大黃

苦參

大戟

芒硝

貝母

桂心

各一兩

杏仁

三十枚

巴豆

三十枚去心皮熬

烏喙

三分炮令折

右十二味搗篩其巴豆杏仁搗如膏合以蜜和丸如

大豆許服二九日三服不知稍加以意將息之大佳

療大水飲病忌食蘆筍豬肉生葱等

出第十卷中

千金療懸飲十棗湯方

芫花

甘遂

大戟

右三味等分搗篩以水一升五合煮大棗十枚取八合絞去滓內藥末強人取一錢七羸人半錢七頓服之平旦不下者益藥半錢下後以糜粥自養

此本仲景傷寒

論方出第十八卷中

溢飲方三首

病源溢飲謂因大渴而暴飲水水氣溢於腸胃之外在於皮膚之間故言溢飲令人身體疼重而不汗是其候

也 出第二
十卷中

范汪溢飲者當發其汗大青龍湯主之方

麻黃 六兩
去節 桂心 二兩 甘草 炙二兩 生薑 三兩

石膏 如雞子
一枚 杏仁 四十枚
去尖皮 大棗 十枚

右七味呔咀以水九升先煮麻黃減二升乃內諸藥
煮取三升絞去滓適寒溫服一升溫覆令汗汗出多
者溫粉粉之一服汗出者勿復服汗出多亡陽逆虛
惡風煩躁不得眠脉微弱汗出惡風不可服服之則

厥逆筋惕肉瞤此為逆也忌海藻菘菜生葱

此本仲景傷寒

論方出第

十六卷中

千金溢飲者當發其汗宜青龍湯方

麻黃去節

芍藥

細辛

桂心

乾薑

甘草

炙各三兩

五味子

半升

半夏

半升

右八味切以水一斗先煮麻黃減二升乃內餘藥煮三升去滓溫服一升忌海藻菘菜羊肉飴生菜生葱

此仲景傷寒論小青龍湯也出第十八卷中

千金翼大五飲九主五種飲一曰留飲停水在心下二
曰澀飲水澀在兩脅下三曰痰飲水在胃中四曰溢飲
水溢在膈上五藏間五曰流飲水在腸間動搖有聲夫
五飲者由飲後傷寒飲冷水過多所致方

遠志

去心

苦參

烏賊魚骨

藜蘆

白朮

甘遂

五味子

大黃

石膏

桔梗

半夏

洗

紫苑

前胡

芒硝

括萎

桂心

茯苓

貝母

芫花

當歸

人參

茯苓

芍藥

大戟

葶藶

黃芩

各一兩

常山

甘草
炙

山藥

厚朴

細辛

各三分

附子

三分炮

巴豆

三十枚
去皮心

右三十三味搗篩蜜和為丸如梧子大酒服三九日

三稍加之忌狸肉桃李雀肉猪肉羊肉飴生葱酢物

生菜野猪肉蘆笋等

胡洽同出第
十九卷中

支飲方九首

病源支飲謂水飲停於胃膈之間支乘於心故云支飲

其病令人欬逆喘息身體如腫之狀謂之支飲

出第二
十卷中

深師療心下有支飲其人喜眩

一作
苦胃

澤瀉湯方

白朮 二兩

澤瀉 五兩

右二味切以水二升煮取一升又以水一升煮取五

合合此二汁分為再服忌桃李雀肉等

此本仲景
傷寒論方

千金療支飲不得息葶藶大棗瀉肺湯方

葶藶子

熬令紫色搗為丸如彈丸大

大棗

十二枚

右二味先以水三升煮大棗得汁二升內葶藶煎取

一升頓服三日一劑可服三四劑

此本仲景傷寒論方

又嘔家不渴者為欲解本渴今反不渴心下有支飲故也小半夏湯主之加茯苓者是也先渴却嘔此為水停心下小半夏加茯苓湯主之卒嘔吐心下痞膈間有水目眩悸小半夏加茯苓湯方

半夏 二斗

生薑 半斤

茯苓 四兩

右三味切以水七升煮取一升五合分再服忌羊肉

錫大醋

仲景傷寒論茯苓三兩餘並同

又假令瘦人臍下有悸者吐涎沫而癩眩水也五苓散

主之方

豬苓

去皮

白朮

茯苓

各三分

桂心

去皮二分

澤瀉

五分

右五味下篩水服方寸匕日三多飲水汗出愈忌桃

李雀肉生葱醋物等

此本仲景傷寒論方

又心下有痰飲胃脅支滿目眩甘草湯主之方

甘草 二兩 灸

桂心

白朮 各三兩

茯苓 四兩

右四味細切以水六升煮取三升去滓服一升日三

小便當利忌海藻菘菜生葱桃李醋物等

此本仲景傷寒論方

又夫酒客飲者必致吐血此坐以極飲過多所致也其

脉虛者必冒其人本有支飲在胃中也支飲胃滿厚朴

大黃湯主之方

厚朴 一兩 灸

大黃 六兩

枳實 四兩 灸

右三味細切以水五升煮取二升去滓分温再服之

此本仲景傷寒論方

又夫上氣汗出而欬者此為飲也乾棗湯主之若下後不可與也乾棗湯主腫及支滿澀飲方

大黃

大戟 各一兩

芫花 炒

葶花 各半兩

甘草 炙

甘遂

黃芩 各一兩

乾棗 十枚

右八味切以水五升煮取一升六合分四服空心服以快下為佳忌海藻菘菜

又膈閒支飲其人喘滿心下痞堅面顴黑其脉沉緊得
之數十日醫吐下之不愈木防已湯主之方

木防已 三兩

石膏

雞子大
三枚

桂心

二兩

人參

四兩
切

右四味以水四升煮取二升去滓分再服虛者即愈
實者三日復發則復與不愈者宜去石膏加茯苓芒

硝湯方

木防已

三兩

桂心

二兩

人參

茯苓

各四
兩

芒硝

三合

右五味以水六升煮四味取二升去滓內芒硝分温

再服取微下利則愈忌生葱

此本仲景傷寒論方深師同並出第十八卷中

留飲方二首

病源留飲者由飲酒後飲水多水氣停留於胃膈之間

而不宣散乃令人脅下痛短氣而渴皆其候也

出第二十卷中

范汪海藻丸療腹中留飲方

海藻

木防已

甘遂

菴蓉

蜀椒 去汗

芫花 熬

葶藶子

熬各一兩

右七味擣節蜜和為丸如梧子服十九丸不差當增之

出第十
六卷中

千金療病者脉伏其人欲自痢痢者反快雖利心下續
堅滿此為留飲欲去故也甘遂半夏湯主之方

甘遂 大者
三枚

半夏 十二
枚

芍藥 一兩

甘草 如指
大一

枚

右四味以蜜半升內藥汁及蜜合一升煎取八大合

頓服之忌海藻菘菜羊肉錫

此本仲景傷寒論
方出第十八卷中

酒癖飲方三首

病源夫酒癖者因大飲酒後渴而引飲無度酒與飲俱

不散停滯在於脅肋下結聚成癖時時而痛因却呼為

酒癖其狀脅下弦急而痛

出第二十卷中

深師消飲丸療酒癖飲酒停痰水不消滿逆嘔吐目視

眈眈耳聾腹中水聲方

乾薑

茯苓

各三兩

白朮

八兩

枳實

四枚炙

右四味搗篩蜜和丸服如梧子五丸日三稍加之若

下去枳實加乾薑二兩名為五飲丸忌桃李雀肉大醋生冷之類大神驗

又倍朮丸療五飲酒澀方

白朮 一斤

桂心

乾薑 各半斤

右三味擣篩蜜和丸如梧子飲服十九稍加之取下先食服之日再忌桃李雀肉生葱

又溫脾丸療久寒宿食酒澀方

乾薑 三兩 炒

芍藥 三兩

蜀椒 二兩 汗

小草 一兩 熬干

芍藥

茯苓

桃仁去皮尖

柴胡熬干各三

兩

大黃

八兩切熬令黃黑

右九味擣篩蜜和更擣萬杵服如大豆許十九日三

忌大醋

並出第二十三卷中

留飲宿食方七首

病源留飲宿食者由飲酒宿食後飲水多水氣停留於

脾胃之間脾得濕氣則不能消食令人噫氣酸臭腹脹

滿亦壯熱或吞酸所以謂之留飲宿食也

出第二卷中

深師通草丸療積聚留飲宿食寒熱煩結長肌膚補不足方

椒目

附子炮

半夏洗

厚朴炙各一兩

芒硝五兩

大黃九兩

葶藶三兩熬

杏仁三兩去皮

尖

右八味搗篩為末別搗葶藶杏仁令如膏合諸末以

蜜和丸搗五千杵服如梧子二九忌豬肉羊肉錫等

大効方中無通草未詳其名出第二十三卷中

范汪千金丸療心腹留飲宿食方

沙參

丹參

苦參

桂心各二分

石膏

五分研

人參一分

大黃一分

半夏五分洗

乾薑

五分

戎鹽一分

巴豆

六十枚去皮心

附子一分炮

右十二味皆搗合以白蜜和如小豆吞一九日再令

人先食服一九不知稍益以知為度忌豬肉冷水羊

肉錫蘆筍生葱

又療留飲宿食桑耳丸方

桑耳 二兩

巴豆 一兩
去皮

右二味搗和以棗膏丸如麻子先食服一九不下服

二丸病下即止忌野豬肉蘆筍

又主留飲宿食芫花丸方

芫花 一兩
熬

大黃

甘遂

黃連

麻黃 去節

杏仁 去皮
尖

甘草 炙

附子 炮令
各一

兩

巴豆 五十枚
去皮心

右九味搗篩杏仁巴豆別搗如膏合和以蜜丸如小

豆先食服一九日再不知稍增以知為度忌海藻菘菜豬肉冷水蘆筍等

又順流紫丸療百病留飲宿食心下伏痛四肢煩疼男子五勞七傷婦人產有餘疾等方

當歸

代赭

茯苓

烏賊魚骨

桂心

肉蓯蓉

藜蘆

巴豆

各三分

各一分

五分小熬

六枚去

心皮

右八味擣篩白蜜和丸先食服如小豆一九日再不

知增之欲下倍服之別擣巴豆令如膏忌生葱狸肉

酢物野豬肉蘆筍

並出第十
六卷中

千金療留飲宿食不消腹中積聚轉下當歸湯方

當歸

人參

桂心

甘草炙

芒硝

芍藥

各二
兩

大黃

四兩

生薑

黃芩

澤瀉

各三
兩

右十味切以水一斗煮取三升分三服空心食後服

忌生葱海藻菘菜

出第十
八卷中

欽定四庫全書
卷八
集驗痰飲積聚嘔逆兼風虛勞陰疝方

霜後茨菰苗子搗汁一石先以武火煎減半即以
文火煎攪勿停手候可凡止空腹酒下梧子大三

十九煎服亦得

出第五
卷中

痰癖方二首

病源痰癖者由飲水未散在於胃府之間因遇寒熱之
氣相搏沉滯而成痰也痰之停聚流移於脅肋之間有
時而痛則謂之痰癖

出第二
十卷中

延年療左肋下停痰澀飲結在兩脅脹滿羸瘦不能食
食不消化喜唾乾嘔大便或澀或利或赤或黃腹中有
時水聲腹內熱口乾好飲水漿卒起頭眩欲倒脅下痛
旋復花丸方

旋復花

五分

大黃

七分
蒸

茯苓

三分

澤瀉

四分

人參

桂心

皂莢

去皮
子炙

附子

炮去
皮各

二分

芍藥

四兩

蜀椒

三分去
目汗

乾地黄

四兩

防葵

取水中
浮者

乾薑

枳實

炙

杏仁

去皮
尖

葶藶子四分
熬

右十六味搗篩為末內杏仁葶藶脂中碎研調節度
蜜和為丸每食後少時白飲服三丸如梧子日二服
稍增以微利為度禁食豬肉魚麪蒜生葱酢今既在
肋下有滯氣水飲結聚不散數發則悶刺心痛又未
曾服如此破滯飲藥雖服補藥滯氣不除終是不損
恐久積聚更急飲食減少此方正與滯氣相當更有
三兩種毒藥今商量除訖其方內有附子及別本續

命丸有烏頭此並破澼疾不得不用復聽臨時不如

服烏頭丸澼氣得減亦未必須服旋復花丸忌酢物

生葱豬肉蕪荑

出第十
六卷中

集驗療痰澼心腹痛兼冷方

鼈甲炙

柴胡

赤芍藥

各八分甘草炙

枳實炙

生薑

白朮

各六分

檳榔七箇

右八味切以水六升煮七味取二升半去滓內檳榔

末分服八合當利忌海藻松菜苋菜桃李雀肉等

出第

五卷
中

飲澀方二首

病源飲澀者由飲水過多在於脅下不散又遇冷氣相

觸而痛呼為飲澀也其狀脅下弦急時有水聲

出第二
十卷中

深師附子湯療氣分心下堅如盤邊如旋杯水飲所作

此湯主之方

桂心 三兩

生薑 三兩

麻黃 去節
三兩

甘草 炙二
兩

細辛 三兩

大附子 一枚
炮

大棗 十二
枚

右七味切以水七升先煮麻黃再沸掠去沫乃下諸藥煮取二升去滓分服七合當汗出如蟲行皮中即

愈神驗忌海藻松菜生葱豬肉冷水生菜等

仲景傷寒論名

桂枝去芍藥加麻黃細辛附子湯並出第二十二卷中

備急療心下堅大如盤邊如旋盤水飲所作枳實白木湯方

枳實

七枚
炙

白朮

三兩

右二味切以水一斗煮取三升分三服腹中軟即散

此出姚大夫方忌桃李雀肉等物

此本仲景傷寒論方出第三卷中

癖飲方七首

病源此由飲水多水氣停聚兩脅之間遇寒氣相搏則結聚而成塊謂之癖飲在於兩脅下弦旦起按之作水

聲也 出第二
十卷中

深師朱雀湯療久病癖飲停痰不消在胃膈上液液時頭眩痛苦攣眼睛身體手足十指甲盡黃亦療脅下支滿飲輒引脅下痛方

甘遂

芫花各一分

大戟三分

右三味為散以大棗十二枚擘破以水六升先煎棗

取二升內藥三方寸匕更煎取一升一合分再服以

吐下為知未知重服甚良無比

出第二十三卷中通按此即前十棗湯

千金中候黑丸療癰飲停結悶滿目闇方

巴豆

八分去心皮熬

芫花

三兩熬

桂心

四分

桔梗

四分

杏仁

五分去皮尖

右五味擣篩蜜和丸飲服如胡豆三九日一稍增得

快下為度忌豬肉蘆筍生葱等肘後同

千金半夏湯療痰冷癖飲胃膈中不理方

白朮 三兩

半夏 一升洗

生薑 八兩

茯苓 二兩

人參

桂心

甘草

附子 炮各二兩

右八味切以水八升煮取三升絞去滓分溫三服忌

羊肉錫桃李雀肉大酢生葱海藻菘菜豬肉冷水

又旋復花丸療停痰癖飲結在兩脅腹脹滿羸瘦不能

食食不消化喜唾乾嘔大小便或澀或痢水在腸胃動

搖作水聲方

旋復花

桂心

枳實炙

人參各五分

乾薑

芍藥

白朮各六分

茯苓

狼毒炙

烏頭炮

礞石燒各八分

細辛

大黃

黃芩

葶藶子熬

厚朴炙

芫花熬

吳茱萸

橘皮各四分

甘遂三分

右二十味擣篩蜜和丸酒服如梧子五丸日再服加之以知為度忌桃李雀肉大酢豬肉生菜生薑等大

驗並出第十
八卷中

千金翼前胡湯主胃中久寒癖實宿痰膈塞胃痛不通
利三焦冷熱不調飲食損少無味或寒熱體重卧不欲
起方

前胡 三兩

生薑 四兩

黃芩 一兩

人參 二兩

吳茱萸 一兩

大黃 二兩

防風 一兩

杏仁 三十
枚去

皮尖

當歸

甘草 各二
兩炙

半夏 三
兩洗

麥門冬 一兩
去心

右十二味切以水一斗煮取三升去滓分温三服日
三服三劑良深師云若脅下滿加大棗二枚利水亦
佳忌海藻菘菜羊肉飴等

又半夏湯主痰飲癖氣吞酸方

半夏

三兩
洗

生薑

六兩
切

附子

一枚
燒

吳茱萸

三百

粒
炒

右四味切以水五升煮取二升半去滓分温三服老
小服半合日三忌豬羊肉飴

又薑附湯主痰癖氣方

生薑八兩切 附子四枚

右二味水五升煮取二升分再服亦主卒風大良忌

豬肉冷水深師同出第十九卷中

冷痰方四首

病源冷痰者言胃氣虛弱不能宣行水穀故使痰水結聚停於胃膈之間遂令人吞酸氣逆四肢變青不能食

飲出第二十卷中

范汪病痰飲者當以溫藥和之療心腹虛冷遊痰氣上
胃脅滿不下食嘔逆胃中冷半夏湯方

半夏 一升

生薑 一斤

橘皮 四兩

右三味切以水一斗煮取三升分三服若心中急及
心痛內桂枝四兩若腹痛內當歸四兩羸瘦老小者
服之佳忌羊肉餒

又方

半夏 一升

生薑 一斤

桂心 三兩

甘草 三兩

炙

右四味切以水七升煮取二升半分三服忌海藻菘

菜羊肉錫生葱

並出第十
六卷中

千金茯苓湯主胃膈痰滿方

茯苓

四兩

半夏

一升
洗

生薑

一斤

桂心

八兩

右四味切以水八升煮取二升半分四服冷極者加

大附子四兩氣滿者加檳榔三七枚忌酢物羊肉生

葱餒

出第十
八卷中

千金翼論曰凡痰飲盛吐水無時節其源為冷飲過度

遂令痼冷脾胃氣羸不能消於食飲食入胃皆變成
冷水反吐不停者赤石脂散主之方

赤石脂 三斤

右一味搗下篩服方寸七日三酒飲並可稍稍加至
三七服盡三斤則終身不吐水又不下利補五藏令
肥健有人久患痰飲諸藥不差惟服此一斤則愈

出第

十九
卷中

痰結實及宿食方三首

病源此由痰水積聚在於胃腑遇冷熱之氣相搏結實不消故令人心腹痞滿氣息不安頭眩目暗常欲嘔逆

故言痰結實

出第二
十卷中

集驗療宿食結實及痰癖癥實瓜蒂散方

瓜蒂 一兩

赤小豆 四兩

右二味搗篩溫湯三合以散一錢匕投湯中和服之須臾當吐不吐更服半錢湯三合令吐如吐不止飲

冷水

備急救急同
出第四卷中

千金松蘿湯主胃中痰積熱皆除之方

松蘿 二兩

烏梅

梔子 各二枚

常山 三兩

甘草 一兩

右五味切以酒三升漬一宿平旦合水三升煮取二

升半去滓頓服之亦可再服得快吐止忌海藻菘菜

生葱菜

又撩膈散療心上結痰實寒冷心悶方

瓜丁 二十枚

赤小豆 二十枚

人參

甘草 各一分

右四味搗為散酒服方寸七日二亦療諸黃息海藻

菘菜

並出第十
八卷中

胃中痰澼方三首

肘後療胃中多痰頭痛不欲食及飲酒則痰阻痰方

礬石

一兩

右一味以水二升煮取一升內蜜半合頓服之須臾
未吐飲少熱湯

又方

杜蘅 三兩

瓜蒂 三七枚

松蘿 三兩

右三味切以水酒一升二合漬之再宿去滓溫分再

服一服不吐晚更一服 千金同並出
第三卷中

千金治膈湯主胃中痰澀方

常山 三兩

甘草 一兩

松蘿 一兩

瓜蒂 二七枚

右四味酒水各二升半煮取一升半初服七合取吐

吐不盡餘更分二服得快吐差後須服半夏湯在前

冷痰部中忌海藻松菜生葱生菜

備急肘後同出
第十八卷中

痰厥頭痛方八首

病源謂痰水在於胃膈之上又犯大寒使陽氣不行令痰水結聚不散而陰氣逆上上與風痰相結上衝於頭即令頭痛或數歲不已久連腦痛故云膈痰風厥頭痛若手足寒冷至節則死

出第二
十卷中

千金療卒頭痛如破非中冷又非中風其病是胃膈中痰厥氣上衝所致名為厥頭痛吐之則差方但單煮茗作飲二三升許適冷煖飲三升須臾適

吐適吐畢又飲能如此數過劇者須吐膽汁乃止

不損人渴而即差 集驗同出第十八卷中

千金翼葱白湯主冷熱膈痰發時頭痛悶亂欲吐不得

方

葱白 二七莖

烏頭 二分炮

甘草 二分炙

真珠 二分研

常山 二分

桃葉 一把

右六味切以酒四升水四升合煮取三升去滓內真

珠服一升得吐止忌海藻菘菜豬肉冷水生葱生菜

生血等物千金深師同

又療痰飲頭痛往來寒熱方

常山一兩 雲母粉二兩

右二味為散熟湯服方寸匕吐之止若吐不盡更服

忌生葱生菜深師云用雲母半兩鍊之餘同並出第十九卷中

備急葛氏主卒頭痛如破非中冷又非中風是胃膈中

痰厥氣上衝所致名厥頭痛吐即差療方

釜下墨四分 附子三分
炮

右二味搗散以冷水服方寸匕當吐愈一方有桂心

一分忌豬肉冷水文仲肘後同

又方

以鹽湯吐不吐張文仲同搽出

又方

苦參 桂心 半夏洗

右三味等分為末苦酒和以塗痛上則差忌生葱羊

肉飭肘後同

又方

常山 四分

甘草 半兩

右二味切以水七升煮取三升服一升不吐更服亦

可內蜜半升忌生葱生菜海藻菘菜 千金肘後延年同

又方

烏梅 三十枚 鹽 三指撮

右二味以酒三升煮取一升一服當吐愈 肘後同

風痰方五首

延年白朮丸主除風痰積聚胃中冷氣每發動令人嘔吐食或吐清水食飲減少不作肌膚方

白朮 五分

白芷 三分

乾薑

石斛 各六分

五味子

細辛

橘皮

厚朴 灸

桂心

防風

茯苓

甘草 各四分

右十二味搗篩蜜和丸如梧桐子服十九飲下日二加至二十九忌桃李雀肉生葱海藻菘菜生菜酢物

一方有人參五分

十三味將孝璋處

又茯苓湯主風痰氣發即嘔吐欠喏煩悶不安或吐痰水者方

茯苓 三兩

人參

生薑

橘皮

白朮 各二兩

右五味切以水五升煮取一升五合去滓溫分三服

中間任食忌大醋桃李雀肉等

出第十卷中

又木蘭湯主熱痰飲氣兩肋滿痛不能食者方

木蘭

枳實 炙

黃芩

白朮 各三兩

漏蘆根

白歛

升麻

芍藥

桔梗

各二兩

生薑

大黃

各四兩

右十一味以水八升煮取二升六合分為三服如人

行三四里進一服忌桃李猪肉雀肉

一方有玄參三兩

又茯苓飲主風痰氣吐嘔水者方

枳實

炙一兩

茯苓

白朮

人參

各二兩

生薑

四兩

橘皮

一兩半

右六味切以水五升煮取一升半分三服中間任食

忌桃李雀肉大醋

張文仲處並出第六卷中

又療風痰飲氣逆滿惡心不能食方

人參 二兩

枳實 炙

白朮 各三兩

生薑 四兩

桂心 一兩半

右五味切以水五升煮取一升五合分溫三服忌桃

李雀肉生葱

張文仲處出第十七卷中

療諸痰飲方四首

廣濟療飲氣痰膈食則嘔吐方

茯苓 八分

橘皮 六分

甘草 四分

生薑 八分

雞蘇 六分

人參 四分

右六味切以水五升煮取一升五合去滓分温二服
服別相去如人行六七里進一服不利忌海藻松菜

酢物 出第一卷中

千金順流紫丸療心腹積聚兩脅脹滿留飲痰癖大小
便不利小腹切痛膈上寒方

代赭 三分

烏賊魚骨 炙三分

半夏 三分

巴豆 七分去心皮熬 桂心 四分 石膏 五分研

右六味搗篩蜜和丸平旦服一九如胡豆至二九忌

羊肉飭猪肉蘆筍生葱 出第十八卷中通按此方比前紫九少當歸茯苓蓯蓉黎

蘆多半 夏石膏

延年前胡湯主胃背氣滿膈上熱口乾痰飲氣頭風旋

方

前胡 三兩 枳實 炙 細辛 杏仁 去皮尖

芎藭 防風 澤瀉 麻黃 去節

乾薑

芍藥已上各三兩

茯苓一作茯神

生薑各四兩

桂心

甘草炙各二兩

右十四味切以水九升煮取二升六合分三服微汗

忌生冷油滑猪肉麩海藻菘菜生葱生菜酢物出第

十七
卷中

古今錄驗薑附湯療冷胃滿短氣嘔沫頭痛飲食不消

化方

附子六分

生薑十二分

右二味切以水八升煎取三升二合分為三服忌猪

肉冷水等

出第九卷中

胃反方一十首

病源夫榮衛俱虛血氣不足停水積飲在於胃管則藏
冷藏冷而脾不磨脾不磨則宿穀不化其氣逆而成胃
反也則朝食暮吐暮食朝吐心下牢大如杯往來寒熱
甚者食已則吐其脉緊而弦緊則為寒弦則為虛虛寒
相搏故食已則吐名為反胃也

出第二十卷中

集驗療胃反不受食食已嘔吐大半夏湯方

人參 一兩

茯苓 四兩

青竹茹 五兩

大黃 六兩

橘皮

乾薑 各三兩

澤瀉

甘草 炙

桂心 各二兩

右九味切以水八升煮取三升服七合日三夜一已

利去大黃用泉水東流水尤佳忌海藻松菜生葱大

酢 千金備急張文仲同方
中無半夏未詳其名

又療胃反吐而渴者茯苓小澤瀉湯方

茯苓

澤瀉

半夏

桂心

甘草 炙各二兩

各四兩

右五味以水一斗煮取二升半去滓服八合日三忌

海藻菘菜羊肉飴生葱酢物等 千金加生薑四兩

又療胃反朝食暮吐食訖腹中刺痛此由久冷者方

橘皮 一兩

白朮

人參 各二兩

蜀椒 一百二十

粒汗

桂心 一兩

薤白 一握去青

右六味切以水二升漬一宿內猪肚中縫合三升水

煮水盡出之決破去滓分三服忌桃李雀肉生葱干金

用羊肚

又療胃反大驗方

前胡

生薑

各四兩

阿膠

一兩

大麻子仁

熬

吳茱萸

各五合

桂心

三寸

甘草

五寸炙

大棗

十枚

右八物切以酒二升水三升煮取一升七分再服

忌生葱海藻松菜等物

一方有橘皮三兩

又療胃反吐食者方

擣粟米作粉水和作丸如楮子大七枚爛煮內酢中細細吞之得下便已麩亦得用之

又方

好麩十斤麤地黃二斤二味擣日乾酒服若飲三

方寸七日三服

千金云治醉咽通按生地黃同麩食之殺虫虫去則胃安也

又主胃反食則吐出上氣者方

灸兩乳下各一寸以差為度

又方

灸臍上一寸二十壯

又方

灸內踝下三指稍邪向前有穴三壯即差

又方

蘆根茅根各二兩

右二味切以水四升煮取二升頓服得下食

以上並與千金

同並第十
六卷中

崔氏療食則吐或朝食夜吐名曰胃反或氣噎不飲食

數年羸削唯飲水亦同此方

朱靈感錄送

製半夏 六兩 人參 三兩

生薑 一兩

橘皮 二兩

春杵頭糠 一升

綿裹

牛涎 一升

厚朴 二兩

羚羊角 三兩

削

右八味切以水八升煮取三升分溫三服相去十里

久欲頻服者可至三劑氣噎病者胃閉不受食唯飲

水水入吐出積年不差乃至於死人間多有此病此

方救療有效忌羊肉饒粘食

又華佗療胃反胃反為病朝食夜吐心下堅如杯往來
寒熱吐逆不下食此為寒癖所作療之神効方

真珠

雄黃

丹砂

以上研各一兩朴硝二兩

乾薑

十累

右五味搗篩蜜丸先食服如梧子二丸小煩者飲水

則解之忌生血物

一方有桂心一兩必効云治心下堅痛胃反寒病所作久變成肺痿

方備急集驗千金張文仲同並出第四卷中

救急療胃反方

昔在幼年經患此疾每服食餅及羹粥等物須臾吐出正觀中許奉御兄弟及柴蔣等家時稱名醫奉勅令療罄竭心力所患終不能瘳漸羸憊候絕朝夕忽有一衛士而云服驢小便極驗此日服食二合然後食唯吐一半晡時又服二合人定時食粥吐便即定迄至今日午時奏知之大內中有五六人患胃反同服用一時俱差此藥稍有毒服時

不可過多承取尿及熱服二合病若深七日以來

服之良後來療人並差

必効同出第六卷中
通按驢尿治虫隔

必効人參湯主胃逆不消食吐不止方

人參

澤瀉

桂心

各二兩

橘皮

甘草

炙

黃芪

各三兩

茯苓

四兩

生薑

八兩

麥門冬

二升
去心

半夏

一升
製

大黃

一兩
半

右十一味切以水一斗二升煮取三升二合服八合

日三夜一服若羸人服六合已下去大黃忌海藻松

菜酢物生葱羊肉飴千金同

又療胃反朝食夜吐夜食朝吐諸藥療不差方

羊肉去脂膜作脯以好蒜蘘空腹任意多少食之

立見効驗

又療胃反吐水及吐食方

大黃四兩 甘草二兩

右二味切以水三升煮取一升去滓分溫再服如得

可則隔兩日更服一劑神驗千金不傳忌海藻松菜

此本仲景傷寒論
方並出第二卷中

萬全方療脾飲食吐逆水穀不化此為胃反半夏飲子

方

製半夏八分厚朴炙

人參

白朮

生薑切

棗各六分

粳米兩合

橘皮四分

右八味細切以水二大升煎取一升去滓分溫四服

空肚服二服忌羊肉餒

並出第一卷中

脾胃弱不能食方三首

病源脾者藏也胃者腑也脾胃二氣相為表裏胃為水穀之海主受盛飲食者也脾氣磨而消之則能食今脾胃二氣俱虛弱故不能食也尺脉浮滑速疾者食不消脾不磨也

出第二十卷中

廣濟療脾胃氣微不能下食五內中冷時微下痢方

白木 八兩

神麴 末五兩

甘草 二兩

乾薑 二兩

枳實 二兩

右五味搗篩蜜和丸空腹温酒服如梧子二十九日

二服漸加至三十九腹中有痛加當歸二兩忌熱麩

海藻松菜桃李雀肉等 出第一卷中

延年人參飲主虛客熱不能食惡心方

人參 麥門冬去心 橘皮 白朮

厚朴 各二兩炙 茯苓 四兩 生薑 三兩切 甘草 一兩炙

右八味切以水八升煮取三升分為三服日三忌海

藻松菜桃李雀肉等 蔣孝瑜處大効

又厚朴湯療不能食腹內冷氣方

厚朴三兩

白朮

人參各一兩

茯苓三兩

生薑五兩

橘皮二兩

右六味切以水四升煮取一升二合分為三服忌桃

李雀肉酢物

蔣孝瑜處出
第六卷中

脾胃病日漸瘦困不食方三首

廣濟主脾胃中熱消渴小便數骨肉日漸消瘦方

黃連

麥門冬

各十二分
去心

苦參

括萋

知母

茯神

土瓜根各八

分

人參

甘草

炙各
六分

右九味搗篩蜜和丸每食後少時煮蘆根大麥飲服
如梧子二十九日二服漸加至四十丸不利忌海藻
菘菜猪肉冷水酢等物

又主胃氣冷弱食則吐逆從朝至夜不得食食入腹則
脹氣滿急大便出飯粒如故帶酸氣而羸計日漸困者
方

吳茱萸 二兩

白朮 三兩

人參

乾薑

甘草炙

五味子各二兩 麴末

麥蘖末各五合

厚朴一兩半

桂心一兩

右十味搗篩為散空腹煮生薑湯服方寸匕一日三

服漸加至二七忌生葱桃李雀肉海藻菘菜出第一卷中

延年白朮丸療惡心數吐水不多能食少心力者方

白朮

乾薑

人參

厚朴炙

桂心各六分

細辛

茯苓

當歸

茯神

枳實炙

五味子

附子各六分炮

吳茱萸 六分 遠志 五分 去心 旋復花 四分 澤瀉 五分

右十六味搗篩蜜和為丸如梧子酒服二十九日再

服加至三十五丸忌桃李雀肉大酢生菜葱猪肉

冷水 出第十 七卷中

胃實熱方二首

千金凡右手關上脉陽實者足陽明經也病苦頭痛 脉經

云陽中堅 痛而熱 汗不出如溫瘧脣口乾善噦乳癰缺盆腋下

腫名曰胃實熱也

療胃實瀉胃熱湯方

梔子仁 二兩
芍藥 四兩

白朮 五兩

茯苓 三兩

生地黄 升 汁一
射干 三兩

赤蜜 一兩

升麻 三兩

右八味切以水七升煮六味取一升五合去滓下地

黃汁兩沸次下蜜煎取二升分三服老小以意服之

忌桃李雀肉酢物蕪荑等

又方

灸膝下三寸兩脚三里穴各三十壯主胃中熱病

胃虛寒方七首

千金右手關上脉陽虛者足陽明經也病苦脛寒不得
卧惡風寒洒洒目急腹中痛耳虛鳴時寒時熱脣口乾
面浮腫名曰胃虛冷也又療胃虛冷少氣口苦身體無
澤補胃湯方

防風

栝子仁

細辛

桂心

橘皮

各二兩

芍藥

吳茱萸

人參

各三兩

甘草

炙一兩

右九味切以水一斗煮取三升分溫三服忌海藻菘菜生葱生菜等物

又補胃虛寒身枯絕骨諸節皆痛人參散方

人參

細辛

甘草

炙各六分

桂心

當歸

各七分

麥門冬

七分去心

乾薑

八分

遠志肉

四分

蜀椒

三分汗

吳茱萸

二分

右十味為散食後服方寸匕溫清酒進之忌海藻菘

菜生葱生菜

並出第十卷中

范汪療胃氣虛不欲食四肢重短氣調和五藏并療諸
病調中湯方

薤白升切一

枳實六枚

橘皮三枚

大棗十二枚

粳米三合

香豉六合

右六味切枳實橘皮棗以水六升先煮薤得四升內

諸藥煮取一升半適寒溫服中分服之良一方生薑四分出第

二十一
卷中

刪繁療胃虛苦饑寒痛人參補虛湯方

人參

當歸

茯苓

桔梗

芎藭

橘皮

厚朴

桂心

甘草 炙各二兩

白朮 五兩

吳茱萸 二兩

大麥蘖 二升

炒

右十二味切以水一斗二升煮取三升去滓分三服

忌海藻菘菜桃李雀肉生葱猪肉酢等物

出第十卷中

又白朮八味等散方

與前療同

白朮

厚朴 炙

人參

吳茱萸

麥蘖炒

茯苓

芎藭

橘皮各三兩

右藥擣篩為散食前服方寸匕煖酒進之隨性服忌

桃李雀肉大酢

出第四卷中

延年補胃飲主胃氣虛熱不能食兼渴引飲方

茯苓四兩

人參三兩

橘皮二兩

生薑三兩

薤白

切一升

豉

五合綿裹

糯米二合

右七味切以水七升煮取三升去滓分温六服中間

任食一日令盡忌酢物

張文仲處出第一卷中

五膈方八首

病源五膈氣者謂憂膈恚膈氣膈寒膈熱膈也憂膈之
為病胃中氣結煩悶津液不通飲食不下羸瘦不為氣
力恚膈之為病心下苦實滿噫輒酢心食不消心下積
結牢在胃中大小便不利氣膈之為病胃脅逆滿噎塞
胃膈不通噫聞食臭寒膈之為病心腹脹滿欬逆腹上
苦冷雷鳴繞臍痛食不消不能食肥熱膈之為病藏有
熱氣五心中熱口中爛生瘡骨煩四肢重脣口乾燥身

體頭面手足或熱腰背疼痛胃痺引背食不消不能多
食羸瘦少氣及癰也此是方家所說五膈形證也經云
陽脉結謂之膈言憂恚寒熱動氣傷神而氣之與神並
為陽也傷動陽氣致陰陽不和而腑藏生病結於胃膈
之間故稱為膈氣衆方說五膈互有不同但傷動之由
有五故云五膈氣

出第十
三卷中

備急膈中之患名曰膏肓湯丸徑過針灸不及所以作
丸含之令氣勢得相熏染有五膈要丸方

麥門冬十分 椒六分
去心 汗

遠志

附子炮

乾薑

人參

桂心

細辛各六分

甘草十分
炙

右九味擣篩以蜜和丸如彈子以一枚著牙齒間含

稍稍嚥汁日三主短氣胃滿心下堅冷氣此病有十

許方率皆相類此丸最効五膈者謂憂膈氣膈志膈

熱膈寒膈也忌猪肉生菜海藻菘菜生葱
千金肘後文仲同出

第三
卷中

張文仲五膈丸方

吳茱萸

麴

杏仁去皮

乾薑

蜀椒汗

好豉熬

右六味等分搗篩蜜和丸如梧子飲服七九日三忌

生冷

此方出隱居効驗備急
肘後同出第三卷中

延年秘錄凡憂膈氣膈食膈寒膈飲膈五病同藥常以
憂愁思慮食飲而得之若寒食食生菜便發其病苦心
滿不得氣息引脊痛如刺之狀食則心下堅大如粉絮

大痛欲吐吐則差飲食不得下甚者乃手足冷上氣欬逆喘息氣短療以九物五膈丸方

麥門冬 去心

蜀椒 汗各三兩

遠志 三兩 去心

甘草 五兩 炙

附子 一兩 炮

乾薑 三兩

人參 四兩

桂心 三兩

細辛 三兩

通按此即前五膈要丸一味不差

右藥擣篩蜜和微使淖置有蓋器中先食服大如彈子丸一丸置喉中稍嚥之喉中胃中當熱藥力稍盡復含一丸日三四夜一二服服藥七日愈二十日平

復若不能含者可一大丸作二小丸盡服之唯夏月
合乃益麥門冬甘草人參耳其餘不異神良椒當以
銅器熬於火上使極熱下置地內椒器中熟攪之須

史汗出便擣合同處椒力有熱亦去其毒非令有熱

也忌海藻菘菜猪肉冷水生葱生菜

千金集驗同不能具於此方錄

用之耳

古今錄驗大五膈丸療膈中遊氣上下無常處藏有虛
冷氣迫咽喉胃滿氣逆脅有邪氣食已氣滿羸瘦著牀

骨立往來寒熱腹中不調或下痢嘔逆欬嗽骨肉銷盡服之令人能食長肌肉強筋骨利五藏好顏色補不足益氣力方

細辛

桂心

黃芩

食茱萸

厚朴

炙各三分

杏仁

三十枚去尖

乾薑

川椒

汗

遠志

各三分去心

小草

芍藥

附子

炮

當歸

各二分

黃連

二分

右十四味搗篩蜜和服如梧子二九日三不知加之

以知為度忌猪肉冷水生葱菜等

又五膈丸療憂膈氣膈食膈寒膈飲膈異病同藥神方

人參

附子

炮

遠志

去心

桂心

細辛

各四分

乾薑

蜀椒

各五分汗

右七味擣篩以蜜和服如彈丸著牙下咬咀嚥之若

病劇者日三夜再并療諸毒風注氣腹中百病皆應

當得真新好藥即可中病耳神祕妙方不傳忌生葱

生菜猪肉冷水等物

通按此方比前五膈丸同但少麥冬甘草二味

又療邪氣嘔逆吸氣五膈為病五藏俱虛則受風冷五
 藏有邪呼吸不足陰注於內陽結於外陰陽錯亂語言
 無常膈中左右狀如結氣喉咽不利氣出不入此血氣
 衰微藏凝冷氣成之服此丸安穀通氣溫藏五膈丸出
 僧深方

蜀椒 一升 汗

乾薑 二兩

桂心 二兩

芍藥 一兩 半

半夏 洗

細辛

茯苓 各一兩

前胡 一兩 半

右八物搗篩蜜和服如彈丸一枚喉中稍稍吞之可

增至三九或冷則加遠志一兩佳日再忌羊肉飭生
葱生菜醋物

又療胃痛連背膈中煩滿結氣憂愁飲食不下藥悉主
之宜丸方

製半夏 一分
甘草 炙

遠志 去心各四分
乾薑

桂心
細辛

椒 去目
附子 炮各二分

右八味搗篩以蜜和為丸先飯酒若粳米飲服如梧
子五九日三稍增至十九忌海藻菘菜羊肉飭猪肉

冷水生葱生菜

並出第十
八卷中

經心錄五膈丸療寒冷則心痛咽中如有物吐之不出

咽之不入食飲少方

乾薑 三兩

麥門冬

二兩
去心

附子

一兩
炮

細辛

二兩

蜀椒

一兩
汗

遠志

一兩
去心

甘草

一兩
炙

人參

二兩

食茱萸

二兩

桂心

三兩

通按此方即前五膈
丸多食茱萸一味

右十味蜜和為丸如梧子服五丸日二忌猪肉冷水

海藻松菜生葱生菜

千金同出
第二卷中

七氣方三首

病源七氣者寒氣熱氣怒氣恚氣喜氣憂氣愁氣凡七

種氣積聚堅大如杯若拌

一作盤
蒲官切

在心下腹中疾痛欲

死飲食不能時來時去每發欲死如有禍祟此皆七氣

所生寒氣則嘔吐惡心熱氣則說物不竟言而迫

一云
恍惚

不怒氣則上氣不可忍熱痛上搶心短氣欲死不得氣

息恚氣則積聚在心下心滿不得飲食喜氣則不可疾

行不能久立憂氣則不可劇作暮卧不安席愁氣則喜

忘不識人語置物四方還取不得去處若聞急則四肢

手足筋攣不能舉狀如得病此是七氣所生男子卒得

飲食不時所致婦人則產中風餘疾

千金同出第
十三卷中

千金七氣丸方

烏頭七分
炮

紫苑

前胡

半夏洗

細辛

丹參

茯苓

芎藭

桃仁去尖
皮

吳茱萸

桂心

桔梗

石膏各三
分研

人參

甘草

防葵各四
分干

金作
防風

大黃 七分

乾薑 二分

蜀椒 二分
汗

菖蒲 三分

右二十味搗篩為末蜜和丸酒服如梧子三九日三
加至十九一方去半夏加甘遂三分忌海藻松菜羊

肉餒猪肉冷水生葱大酢生菜

一方有芍藥無菖蒲

又七氣丸主七氣七氣者寒氣熱氣怒氣恚氣喜氣憂
氣愁氣此七氣為病皆生積聚堅牢如杯心腹絞痛不
能飲食時去時來發則欲死凡寒氣狀吐逆心滿熱氣

狀恍惚眩冒失精怒氣狀上氣不可當熱痛上盪心短
 氣欲絕不得喘息恚氣狀積聚心滿不得食飲喜氣狀
 不可疾行久立憂氣狀不可苦作卧不安席愁氣狀平
 故怒氣善忘四肢跗腫不得舉止亦療產後中風餘疾
 方

大黃 十分

椒 二分

人參

半夏 洗

芎藭

柴胡

甘草 炙

桔梗

石膏

菖蒲

桃仁 去皮

吳茱萸

茯苓各三分

乾薑四分

細辛三分

右十五味搗篩蜜和丸如梧子酒服三九日三加至

十九忌羊肉飴生葱海藻松菜猪肉生菜酢物

又七氣湯療虛冷上氣勞氣方

半夏一升洗

生薑十兩

人參

桂心

甘草各一兩

右五味切以水一斗煮取三升分為三服日三忌羊

肉飴生葱海藻松菜並出第十卷中

氣噎方六首

病源此由陰陽不和藏氣不理寒氣填於胃膈故氣噎

塞不通而謂之氣噎令人喘悸胃背痛也

出第二
十卷中

廣濟療噎胃脅氣滿每食氣噎通氣湯方

半夏洗

生薑各六兩

橘皮

桂心各三兩切

右四味切以水八升煮取二升五合絞去滓分溫三

服服別相去如人行六七里服忌羊肉生葱餒等

出第

一卷

中

深師療胃滿氣噎通氣湯方

半夏八兩

生薑六兩

桂心二兩

大棗三十枚

右四味切以水八升煮取三升分服五合日三夜一

忌羊肉錫生葱千金同出第二十二卷中

集驗療氣噎煎方

蜜酥薑汁各一升

右三味合和微火煎五六次沸取如大棗二枚內酒

中飲之直抄服之亦好千金古今錄驗同

又通氣噎湯方

半夏三兩洗

桂心三兩

生薑八兩

羚羊角三兩

右四味切以水八升煮取三升分服半升日再服忌

羊肉生葱錫古今錄驗同並出第四卷中

救急療喉中氣噎方

半夏洗

柴胡

生薑各三兩

羚羊角一屑

法三兩

犀角屑

桔梗

昆布

通草

甘草炙各二兩

右九味切以水八升煮取三升分三服忌羊肉鴿猪肉海藻菘菜等

古今錄驗羚羊角湯療噎氣不通不得下食方

羚羊角

屑二兩

厚朴

炙

吳茱萸

乾薑

各三兩

通草

橘皮

各二兩

烏頭

十五枚炮

右七味切以水九升煮取三升分三服日三忌猪肉

冷水

深師千金同出第二十七卷中

諸噎方一十二首

病源夫陰陽不和則三焦膈絕三焦膈絕則津液不利

故令氣塞不調理也是以成噎此由憂恚所致憂恚則

氣結氣結則不宣流使噎噎者噎塞不通也出第二
十卷中

深師療噎方

羚羊角屑

前胡

甘草各一兩

人參

橘皮各二兩

右五味切以水六升煮取二升分四服忌海藻菘菜

又方

鷓鴣喙

右一物當噎時以銜之則下

肘後同

又方

羚羊角

右一物多少自在末之飲服亦可以角摩噎上良

並出

第二十

二卷中

廣利方療因食即噎塞如炙肉臃在咽中不下方

吳射干 六分

升麻 四分

桔梗 四分

木通 十二分

赤茯苓八分 百合八分

紫菀頭二十一枚

右七物切以水二大升煎取九合去滓分溫三服食

後良久服忌猪肉酢物

小第四卷中

千金理諸噎方

常食乾粳米飯即不噎

又方

炭末細羅蜜丸如彈子大含少細細嚥津即下

集驗

同並出第十卷中

集驗療噎方

取頭垢如棗大以粥若漿水和服之

肘後深師同
出第十卷中

必効主噎方

鍤捺大椎盡力則下仍令坐之

通按鍤捺未詳仍
令坐之亦未詳

又方

以酢煮麩糊噉之則差此只可一兩日差欲長久
絕者取溲為丸如彈子酢中煮熟於水中澤却及
熱則食二十九神驗不過兩三度則差大効

又半夏湯主噎方

生薑 四兩

半夏 一升 洗

石膏 四兩 碎

小麥 一升 完用

吳茱萸 一升

赤小豆 二十顆

大棗 二十顆

人參

甘草 炙

桔梗

桂心 各二兩

右十一味切以酒二升水八升煮取三升分三服忌

猪羊肉海藻菘菜餒生葱等

古今錄驗有括萋無桔梗名乾薑湯不用生薑

又方

杏仁 二兩 去尖皮

桂心 二兩

右二味末之蜜和丸含之如棗核許稍稍嚥之臨食

先含極効忌生葱

千金同並出
第二卷中

古今錄驗療噎方

蘆根

三斤

右一味切以水一斗煮取四升分四服

出第二十
七卷中

卒食噎方九首

病源此由藏氣冷而不理津液澀少而不能傳行飲食
故食入則噎塞不通故謂之食噎胃內痛不得喘息食

不下是故噎也

出第二
十卷中

肘後療卒食噎方

橘皮 三兩

右一味切以水三升煮取一升頓服之

又方

舂杵頭糠置手巾角以拭齒立下

集驗深師千金
同並出第五卷

中

深師療卒噎法

傍人可緩解衣帶勿令噎者知則愈

又療卒噎方

與共食人當以手捉噎人筋問曰此等何物噎人
當荅言筋共食人云噎下去則立愈

又療卒噎不下方

水一杯 刀一口

右二物先以刀橫畫水已後盡飲之則下

出第二十卷中

集驗療醋噎方

羌活 五兩

擣用水一升浸三宿每日溫服五合差

又療氣噎不下食兼嘔吐方

半夏 四兩

洗

生薑 三兩

各切

右二味以東流水二大升煎取一升去滓溫服三合

日三服忌羊肉錫 並出第五卷中

備急療卒食噎不下方

取蜜含之則下 千金集驗
肘後同

又方

取老牛涎沫如棗核大置水中飲之終身不有噎

必効肘後深師千金

同並出第三卷中

五噎方三首

病源夫五噎謂一曰氣噎二曰憂噎三曰食噎四曰勞
噎五曰思噎雖有五名皆由陰陽不和三焦隔絕津液
不行憂恚嗔怒所生謂之五噎噎者噎塞不通也

出第二十

卷中

古今錄驗五噎九療胃中久寒嘔逆逆氣隔飲食不下
結氣不消氣噎憂噎勞噎食噎思噎氣噎者心悸上下
不通噫噦不徹胃脅苦痛憂噎者天陰苦厥逆心下悸
動手足逆冷勞噎者苦氣隔脅下支滿胃中填塞令手
足逆冷不能自溫食噎者食無多少唯胃中苦塞常痛
不得喘息思噎者心悸動喜忘目視眈眈此皆憂恚嗔
怒寒氣上逆胃脅所致療之方

乾薑

蜀椒

汗

食茱萸

人參

桂心 各五分

細辛

白朮

茯苓

附子

炮各四分

橘皮

六分

右十味搗篩以蜜和為丸如梧子酒服三九日再不

知漸增忌桃李雀肉大酢猪肉冷水生葱生菜酢物

出第二十

七卷中

經心錄五噎丸主五種之氣皆令人噎方

人參

半夏

桂心

防葵

一方用防

風小草 各二兩

附子 炮

細辛

甘草

炙各二兩

食茱萸 三合 紫苑

乾薑

芍藥

枳實 炙

烏頭 各六分炮

右十三味搗篩以蜜和為丸如梧子大服五九日三

不知加至十五九忌羊肉餠海藻菘菜猪肉生葱生

菜

千金同出
第二卷中

集驗噎塞不通方

營實根

十二分

右一味搗為散酒下方寸匕日三服

出第五
卷中

諸骨哽方三十五首

肘後療食諸魚骨哽百日哽者方

用綿二兩以火煎蜜內一段綿使熱灼灼爾從外
縛哽所在處灼瓠以熨綿上若故未出復煮一段
綿以代前并以皂莢屑少少吹鼻中使得嚏出矣
秘方不傳禮云魚去乙謂其頭間有骨如乙字形
者哽入不肯出故也

又方

取捕魚竹筍鬚燒末飲之魚網亦佳

又療食諸肉骨哽方

白雄雞左右翮大毛各一枚燒末水服一升也

仍取所食餘者骨左右手反覆擲背後則下也

文仲

備急同

又方

燒雞足末服方寸匕酒下立出

深師同

又方

生艾蒿數升水酒共一斗煮取三四升稍稍飲之

深師

同

凡療病皆各以其類宜以鷓鴣療肉骨狸虎療魚哽
耶至於竹篾薤白嚼筋綿蜜事乃可通為諸哽用耳又
有呪術小小皆須師解故不備載

出第五
卷中

深師療食魚骨哽方

捕魚網燒飲服刀圭七良是魚哽燒魚網服之良
又療哽及刺不出方

服薔薇灰末方寸七日三亦療折箭刺入膿囊不出堅燥及鼠撲服之十日哽刺皆穿皮出効

又療鐵棘竹木諸刺在肉中折不出及哽不下方

半夏二兩 白斂二兩

右二味搗篩酒服半錢七日三寧從少少起者半夏戟人喉中故也忌羊肉鴿等加乾薑一兩尤佳

又方

鼠腦厚塗瘡上則出亦可用墳鼠大効

又療哽方

蝼蛄腦

右一物吞即下亦療刺不出塗刺瘡上

又療咽哽方

取魚尾著衣領令下推立下

又方

白斂白芷等分搗散飲服刀圭

又療食哽方

鷹糞燒灰存性

右一物下篩服方寸匕虎狼鵠屎皆可服之佳

又療骨哽咽不得下飲食方

白雞翼翮大毛各一枚著銅器中燒之焦作灰飲
服一刀圭立下

又療哽方

半夏五兩洗
白芷五兩

右二物搗篩服方寸匕則嘔出忌羊肉錫

又方

以東流水一椀東向坐以手指畫水中作龍字訖
飲水不自曉書令他人持手書良

又方

凡書文曰天有門地有根諸家入口者皆當得吞

集驗同並出第

二十二卷中

千金療哽方

取鹿筋漬之濡索之大如彈丸持筋端吞之候至

哽處徐徐引之哽著筋出

集驗同

又方

極吹之食骨鯁燒虎狼屎服

又方

末虎骨若狸骨服方寸匕

集驗同

又方

服瞿麥末方寸匕

集驗同古今錄驗
兼主折刺不出

又方

吞猪膏如雞子大不差更吞差止古今錄驗同

又療諸哽方

作竹篾刮令滑綿纏內咽中令至哽處可進退引

之哽即出小品古今錄驗深即同

又療諸哽方

鷓鴣屎末服方寸匕集驗古今錄驗同

又療魚骨哽方

口稱鷓鴣鷓鴣則下並出第二十六卷中

張文仲療食諸魚骨哽方

以魚骨插頭上則立下陶云因嚙刻則出

肘後備急同

又方

小嚼薤白令柔以繩繫中央持繩一端吞薤到哽

處引哽當隨出

集驗古今錄驗深師備急千金同

又療魚骨哽在喉中衆法不能去者方

取飴糖丸如雞子黃大吞之不去又吞此用得効

也

肘後備急千金集驗小品同

又療食中吞髮哽不去繞喉者方

取梳頭髮燒灰飲服一錢匕

肘後備急集驗千金同並出第三卷中

救急療哽方

好蜜以一匙抄稍稍嚥之令下良

文仲同

又療魚骨哽在喉中方

以少許碯砂口中咀嚼嚥之立下

出第七卷中

必効療魚骨哽方

含水獺骨立出

小品同

又方

魚網覆頭立下千金云燒灰服半匕

小品同出
第二卷中

古今錄驗療魚哽骨橫喉中六七日不出方

取鯉魚鱗皮合燒作屑以水服之則出也未出更

服之取出為度

出第二十
九卷中

雜誤吞物方一十七首

肘後療誤吞鈎方

若繩猶在手中者莫引之但益以珠璫若薏子輩

就貫之著繩稍稍令推至鈎處小小引之則出

又方

以小羊喉以脊繩推至鈎處當退脫小小引則出

又方

但大戾頭四向顧小引之則出

又方

常思草頭一把二升水淘灌之十餘過而飲之

又療誤吞諸木竹釵輩方

取布刀故鋸燒漬酒中以女人大指甲二枚燒末
內酒中飲之

又方

若是桃枝竹釵但數數多食白糖自消去

又療以銀釵簪筋擿吐因氣吸誤吞不出方

多食白糖漸漸至十斤當裹物自出此說與葛氏

小異

並出第
五卷中

深師療誤吞鈎方

虎珀珠

右一物貫著鈎繩推令前入至鈎所又復推以牽引
出矣若水精珠卒無珠堅物摩令滑用之也
中

出第二十二卷

千金療誤吞環若指彊方

燒鴈毛二七枚末服之鵝羽亦佳

備急文仲同

又誤吞珠銅鐵而哽者方

燒弩銅牙令赤內酒中飲之立愈

出第二十六卷中

張文仲療吞諸珠璫鐵而哽方

燒弩銅牙令赤內水中飲其汁立愈

肘後備急同

又療誤吞錢方

擣火炭末服方寸匕則出

肘後小品集驗千金備急深師同

備急葛氏誤吞釵方

取薤暴令萎煮令熟勿切食一大束釵則便隨出

生麥葉若繫縷皆可用良効

千金肘後同

又誤吞釘及箭金鍼鐵等物方

多食肥羊肉脂及諸肥肉自裹出

肘後千金文仲同並出第五卷

中

古今錄驗療誤吞銀鏹及釵者方

取飴糖一斤一頓漸漸食盡多食之鏹及釵便出

小品集驗千金同千金作白糖

又方

取水銀一兩分服之釵便下去也亦可以胡粉一兩搗調之分再服食銀令如泥也若吞金銀物在

腹中皆服之令消烺出也

又療誤嚥鍼方

取真吸鍼磁石末酒白飲服一方寸七解曰磁石
 特能吸取鍼難云今吞鍼哽在喉中而服磁石末
 不取即若含磁石口中者或吸鍼出耳二理詳取
 其義焉

小品集驗千金同
出第二十九卷中

外臺秘要方卷八

總校官進士臣繆琪

校對官助教臣卜惟吉

謄錄監生臣金特